

方症會要

四



图书在版编目 (CIP) 数据

方症会要/ (清) 吴迈撰. - 北京: 中医古籍出版社,
2005.10

(中医古籍孤本大全)

ISBN 7-80174-388-1

I. 方... II. 吴... III. 中医学临床-中国-清代
IV. R24

中国版本图书馆 CIP 数据核字 (2005) 第 098584 号

ISBN 7-80174-388-1



中醫古籍孤本大全

方症會要

原著 清·吳邁

選編 薛清錄 劉國正

出版發行 中醫古籍出版社

北京市東直門內南小街十六號 郵編 100070

印刷 杭州蕭山古籍印務有限公司

版次 二〇〇五年十月第一版第一次印刷

印數 二百五十套

ISBN 7-80174-388-1/R · 387

定價 四九〇圓



方症會要卷四目錄

耳病

目病

口病

健忘怔忡驚悸

三消

赤白濁

淋秘

黃疸

調經

大便血症



耳病

內經曰耳爲腎之外候又曰腎通竅於耳蓋耳之所主者精精氣調和腎氣充足則耳聞而聰若勞傷氣血風熱襲虛使精脫腎憊則耳轉而聾是故有氣虛耳聾者有腎虛耳聾者有上焦手少陽經熱而聾者有氣逆耳聾者有大病後腎水枯涸陰火上炎耳痒耳鳴時聞如鐘鼓之聲者治法氣虛補氣腎虛滋腎熱者開痰散風熱氣逆順氣大病陰虛火動者四物湯降火統宜瀉南方之火補北方之水無不安者錢



仲陽曰腎有補而無瀉厥有旨哉

蔓荊子散 治上焦熱耳鳴而聾及出膿汁

炙甘草 升麻 木通 赤芍 桑皮 麥冬 生

地 前胡 菊花 赤茯苓 蔓荊子 各五分

薑三片棗二枚

大補丸

黃栢 水丸

氣虛四君子湯 血虛四物湯下

滋腎丸 凡鳴皆陰虛火動 或補腎丸 虎潛丸



目病

東垣曰按內經云五臟六腑之精氣皆上注于目而爲之睛脾之精爲眼窠腎之精爲瞳子心之精爲目之總絡肝之精爲黑眼肺之精爲白眼腸胃之精爲約束裏擷筋骨氣之精而與脉併而爲系上属于腦後出于頂是故瞳子黑眼法于陰白眼赤脉法于陽然臟腑十二經脉三百六十五絡其氣血又皆稟受于脾土而上貫于目以爲明故目者心之使心者神之舍也苟精神煩亂則視岐視一物而爲兩脾虛則



五臟之精氣皆失所司不能歸明于目由此觀之醫
目者若不理脾胃及養血安神是乃治標不治本也
河間曰在腑則爲表當除風散熱在臟則爲裡宜養
血安神如暴失明昏澁醫膜眵汨班入眼皆風熱屬
表宜散表如昏弱不欲視物內障見黑花瞳子散出
皆裡也屬血少勞神腎虛也宜養血安神補水又瞳
子散大皆辛熱也當除風熱涼血益血以收耗散之
氣芩連苦寒除邪熱之盛爲君當歸生地涼血養血
爲臣五味子酸寒體浮收瞳子散大地骨皮天冬瀉

腎熱補氣或滋陰地黃丸更妙

丹溪曰目病屬風熱血少勞神腎虛又云目能遠視不能近視者腎水虧欠六味地黃丸主之目能近視不能遠視者心血不足定志丸加茯苓主之瘦人目病乃是血少兼熱須用養血少加風藥三公議論精確并宜參究師云目病雖有風熱血虛脾虛腎虛肝木旺之不同大法暴赤腫及醫汨班膜卒用柴胡防風羌活荆芥穗白芷菊花升麻炒芩連山枝石羔玄參赤芍連翹龍膽草桔梗甘草生地歸身加減量服



凡目久痛或內障昏暗惟用熟地當歸白芷五味枸杞知栢茯神遠志丹皮山藥白朮少加菊花防風荆芥穗柴胡芩連生甘草爲佐使

治初起風熱火眼方

防風 羌活 芍藥 葛根 紫蘇 白芷 菊花

蔓荊子 甘草 有翳加木賊

薑二片葱一根取汁

滋陰補腎地黃丸

熟地兩一 生地一兩 柴胡八錢 天冬 炙甘草 枳



壳 地骨皮 黃連 五味 人參 歸身 黃

各三錢

苓 各五錢

右末蜜丸桐子大清茶下

坎離丸 治內障

定志丸 治心血不足不能遠視

人參 一兩 遠志 蒲黃 茯苓 各二兩

右末蜜丸桐子大硃砂為衣清米湯下一錢二分

濕熱火眼驗方

防風 石決明 黃連 木賊 連翹 青箱子



草決明

龍膽草

各八分

石斛

羌活

谷精草

當

歸

各一錢

荊芥

梔子

生地

蟬退

黃栢

各七錢

黃

芩

八分

菊花

一錢八分

燈心

十根

時眼方

明礬

三分

硼砂

一分

鬱金

五分

共末爲丸滾水化開或乳點尤妙

明目方

冬至後槐角子如黑漆者洗淨晒乾不拘多少裝入黑牛膽內以八分爲滿懸于風前陰乾破膽取出用



磁罐盛每月初一日用一粒早晨滾水待冷吞下每
一日漸加一粒至十五日加至十五粒止十六日復
漸減一粒至三十日只用一粒朔如前早飯後用槐
角獨子者不用又服法單日雙服雙日單服

治酒刺方

栳榔

十箇

白茄取汁浸栳榔七次晒乾

硫黃用人

乳煮過乾

等分研末唾擦卽愈

治甕鼻塞肉方

枯礬研末用棉胭脂包裹塞鼻數次即愈

善治癰毒

澤漆散

澤漆散

淋瀝

淋瀝

明礬

明礬

氏醫

淋瀝

一日

新



口病

內經曰中央黃色入通于脾開竅于口藏精于脾又
曰陰之五宮本在五味陰之五宮傷在五味是以肝
熱則口酸心熱則口苦脾熱則口甘肺熱則口辛腎
熱則口鹹有口淡者知胃熱也外有謀慮不決肝遺
熱于膽而口苦者亦有脾胃虛弱木乘土位而口酸
者或膀胱遺熱于小腸膈腸不便上爲口糜生瘡潰
爛又傷寒狐惑之症上唇生瘡重食其藏者下唇生
瘡重食其肛者口之爲病種種不同治法肝膽有實



熱口酸而苦者小柴胡加青皮龍膽草甚者當歸蘆
薈丸若謀慮不決肝虛而苦者人參遠志茯神甘草
爲君心熱而口苦或口舌生瘡黃連瀉心湯涼膈散
脾熱口甘三黃丸平胃散肺熱口辛甘桔湯瀉白散
金沸草散腎熱口鹹滋腎丸大補陰丸大補丸胆熱
口苦謀慮不決所致者小柴胡加麥冬棗仁地骨皮
遠志膀胱遺熱于小腸上爲口糜生瘡潰爛者柴胡
地骨皮湯狐惑見傷寒門凡口瘡服涼藥不愈者乃
中氣不足虛火泛上無制理中湯反治之而愈蓋人

參白朮甘草補土之虛乾薑散火之標甚者加附子
或用官桂噙之亦妙

黃連瀉心湯 治心熱口苦舌生瘡

涼膈散 治同前

三黃丸 治脾熱口甘

平胃散 治同前

甘桔湯 治肺熱口辛

瀉白散 治同前

金沸草散 治同前



荊芥 麻黃 甘草 前胡 赤芍 半夏 旋復

花

加薑棗煎

滋腎丸 治腎熱口鹹

大補陰丸 大補丸

小柴胡湯 治膽熱口苦謀慮不決

本方加麥冬棗仁地

骨皮
遠志

柴胡地骨皮湯 治膀胱遺熱于小腸口糜生

瘡

